

Utkast til nye vedtekter for Stiftinga Osterøy museum

25.4.2019. Solveig Jordal

Svart tekst: gjeldande vedtekter

Raud tekst: Utkast til nye vedtekter

VEDTEKTER FOR STIFTINGA OSTERØY MUSEUM

Osterøy museum "Forntun" Gjerstad. Skipa 18.01.1920 som Gjerstad Fornminnelag. Vedtekter vedteke desember 1922. Endra august 1983, mars 1988, 28. april 2004 og 16. desember 2008..

1 .Stiftinga Osterøy museum med hovudsete på Gjerstad er vedteke oppretta på årsmøtet for Osterøy museum, 21.3.99 og trer i kraft 3.6.99. Grunnkapitalen er kr 1.000.000 "For å sikra museet ei tidsmessig drift, har Osterøy museum overlete drift og personalansvar til Stiftinga Museumssenteret i Hordaland (MiH) frå 01.01.07."

Osterøy museum «Fortun» på Gjerstad vart skipa 18.01.1920 som Gjerstad Fornminnelag.

Stiftinga Osterøy museum vart oppretta 21..3.1999 og tredde i kraft 3.6.1999. Gunnkapitalen er kr 1 000 000.

Frå 1.1.2007 har Stiftinga Osterøy museum overlete drift og personalansvar til Stiftinga Museumssenteret i Hordaland (MuHo).

Føremål

Museet har til føremål å samla inn, dokumentera og ta vare på kulturhistorisk kjeldemateriale frå Osterøy og bygdene kring, eller det området som vert museet sitt arbeidsområde etter nærare avtale med Hordaland fylkeskommune. Museet skal ha ein rimeleg museumsteknisk standard, med katalog og dokumentasjon av samlingane. Museet si eiga skal stillast til disposisjon for gransking og formidling på alle nivå.

Museet skal driva gransking og formidla kunnskapen til ålmenta. Alle skal ha tilgjenge til museet, og opningstider skal kunngjerast. Museet skal arbeida aktivt for å leggja tilhøva tilrette for barn og ungdom.

Museet skal tilby arkivteneste i Midhordaland-regionen. Dette skal gjerast ved og driva aktiv utoverretta informasjon til lag, bedrifter, kommunar og andre som vil nytta tenesta vår.

Museet har til føremål å samla inn, dokumentera og ta vare på kulturhistorisk kjeldemateriale frå Osterøy og bygdene kring, i tråd med fylkeskommunale planar og MuHo sine prioriteringar.

Praksis for fagleg arbeide ved museet skal fylgje dei standardar som ICOM, stat og fylkeskommune krev, og som vert vedtekne for arbeidet i MuHo, innan felte

samlingsforvalting, formidling og forskning. MuHo svarar for dette i forhold til stat, fylkekommune og eigarar.

Styret

"Stiftinga Osterøy museum skal ha eit styre på 5 medlemer med personlege varamedlemer som skal oppnemnast slik:

- Ein representant frå Osterøy kommune
- Ein representant oppnemnt av dei som arbeidar ved Osterøy museum i minst 50% stilling
- Tre representantar valde av årsmøtet i museumslaget.

Kommunal representant sit i fire år og deira funksjonstid følgjer valbolken for kommuneval. Dei andre representantane vert valde for to år om gongen. Etter eitt år går ein av styremedlemene ut ved lutkasting. Styremedlemer kan attveljast tre gonger. "

Styret konstituerar seg sjølv og vel leiar og nestleiar for eitt år om gongen.

Fylkeskonservator og ein representant for Arna sogelag har møte- og talerett på styremøta.

Stiftinga Osterøy museum skal ha eit styre på 4 medlemer med personlege varamedlemer, som skal oppnemnast slik:

- 1 representant frå Osterøy kommune
- 3 representantar frå Osterøy museumslag

Kommunal representant fylgjer valbolken for kommuneval (4 år).

Styret konstituerer seg sjølv og vel leiar og nestleiar for 1 år om gongen.

Styret sine arbeidsoppgåver. (vert ståande uendra)

Styret er stiftinga Osterøy museet sitt høgste organ. Styret skal sjå til at stiftinga si verksemd er i samsvar med føremål og vedtekter, og at vedtak i styret vert iverksett. Styret skal sjå til at museet sin grunneiga vert forvalta slik at ho ikkje vert forringa.

Saman med direktør for Museumssenteret i Hordaland skal styret gå gjennom årsmeldingar, budsjett og rekneskap og gje uttale. På dette møtet skal arbeidsplanar og vedlikehald drøftast.

Møtet skal haldast innan 1.5. kvart år.

4. Administrasjon (dette punktet går ut)

Stiftinga Vestlandsmuseet har det overordna ansvaret for drifta av museet.

Museumsstyrar er dagleg leiar av museet i samsvar med instruks og praksis. Ho/han er ansvarleg andsynes Vestlandsmuseet, men skal av eige skjønn arbeida i samsvar med museet sine fastsette føremål og økonomiske rammer.

Styreleiar kallar inn til styremøte. Eit vanleg fleirtal av styremedlemer kan krevja innkalla styremøte. Varamedlemer kan innkallast, men har røysterett berre når vedkomande faste representant ikkje møter. Det skal førast møtebok for dei sakene styret handsamar. Vedtak vert fatta med simpelt fleirtal. Ved røysteliskap er leiaren si røyst avgjerande. Styret er

vedtaksført når minst tre med røysterett er til stades. Styreleiar og nestleiar si underskrift er bindande for stiftinga.

Samlingane

Museet si eiga kan ikkje avhendast. Deponering (langtidslån) av gjenstandar som fører til store drifts- eller økonomiske endringar, kan ikkje gjerast utan samrøystes vedtak i styret. Deponering og utlån av gjenstandar i kurante saker og for ei avgrensa tid, kan avgjerast av dagleg leiar ved Vestlandsmuseet, som kan delegera det til avdelingsleiar ved Osterøy museum.

Avgjerder som omfattar forvalting og utvikling av samlingane ved Osterøy museum vert tekne av dei ansvarlege i MuHo og skal fylgja ICOM sine retningslinjer og nasjonal museumpraksis og standard.

Vedtektsendringar

Eventuelle endringar av vedtektene kan vedtakast av 3/4 av styremedlemmene etter først å ha vore til uttale hjå dei som oppnemner representantar til styret. Vedtektsendringar kan ikkje tre i kraft før dei er godkjende av Hordaland fylkeskommune.

Eventuelle endringar i vedtektene kan vedtakast av $\frac{3}{4}$ av styremedlemmane etter først å ha vore til uttale hjå dei som oppnemner representantar til styret og styret i MuHo.

Opplysing

Ei eventuell oppløysing vert handsame på same måte som vedtektsendring. Osterøy kommune og Hordaland fylkeskommune avgjer då kva som skjer med eiga.

Ei eventuell oppløysing vert handsama på same måte som vedtektsendring. Ved ei oppløysing av stiftinga vil eiga verta overført Museumssenteret i Hordaland.